

**LEVANTAMENTU DADUS NEGÓSIU INFORMÁL IHA MUNICIPU 13 INKLUI
AUTORIDADE ADMINISTRATIVU ATAURO**

TINAN 2025/2026



MINISTÉRIO COMÉRCIO INDÚSTRIA (MCI)
DIRAÇÃO NACIONAL PESQUISA E ESTATISTICA (DNPE)

Introdusaun

Setór negósiu iha ekonomia nasaun ida, hakfahe ba parte rua (2) ne'ebé esensial tebés mak hanesan; negósiu formál no negósiu informál. Setór negósiu informál akumula atividade ekonomia hot-hotu ne'ebé hala'o husi ema ida ou liu ema ida no laiha regulamentu legal ruma hodi hakesi atividade negósiu refere, laiha asegurasan husi lei traballadór no laiha lei ruma ne'ebé bele kontrola atividade negósiu informál. setor negosiu informal mósu hanesan, atu hamósu solusaun ba povu ki'ik sira ne'ebé susar hodi hetan servisu ruma iha setor formal sira. Atividade ida ne'e ho kapital negosiu ki'ik, maibe iha rendimentu di'ak kompara ho negosiu formal sira, setór informal ida ne'e bele hamósu traballadór ne'ebé ho kuantidade a'as nomós sai parte importansia iha ekonomia familia, dadaun ne'e setór negósiu informál sai hanesan fatór rendimentu ba comunidade sira, liu-liu comunidade sira ne'ebé maka buka moris, ho mós estudante sira ne'ebé maka dadaun ne'e hala'o hela sira nia estudu iha nivel Pre-secundaria, Secundaria no mós universidade. Fatór ne'ebé fo influencia ba autor negósiu informál maka oinsa bele hetan rendimentu ruma hodi nesesita sira nia nesesariu loron-loron, hanesan estudante ativu sira iha hanoin ida deit maka oinsa sira bele hetan osan hodi selu transporte publiku para bele transporta sira ba escola, utiliza hodi selu foto kopia, uja hodi sosa aihan ruma no uja hodi selu fatin ne'ebé sira hela ba (kost). Husi parte seluk, hanesan comunidade sira ne'ebé la'os parte husi estudante hanesan comunidade bai-bain, no sira ne'ebé remata ona sira nia estudu iha nivel edukasaun primaria, pre-secundaria, secundaria no licenciatura katak, negósiu informál hanesan fatin servisu ba sira hodi buka moris, hó hanoin ida oinsa bele responde nesesariu urjente hanesan selu oan nia escola, halo kultura, hola hahan nomós uja ba nesesariu seluk ne'ebé sira presija. Atividade ida ne'e sira hala'o tamba laiha fatin servisu ba sira iha negósiu formál sira, laiha fatin servisu iha instituisaun estadu, ONG ka empreja lokal no internacional. Komunitade barak maka hili atividade negósiu informál tamba negósiu informál hanesan fatin servisu ba sira, laiha servisu seluk ne'ebé sira halo, ho rajaun ida ne'e maka comunidade sira hó kapital ki'ik decide hodi halo atividade negósiu informál hodi responde nesesidade loron-loron. Negósiu informál iha Timor-Leste maka inklui atividade negósiu hotu ne'ebé laiha lisensa negósiu no movimentasaun atividade negósiu akontese tuir nia tempu de'it. Porx; Vendedor ambulante, kios ki'ik, vendedor modo tahan no modo fuan, vendedor sigaru no pulsa dalan ninin, vendedor pop mie no cafe dalan ninin, vendedor nasi kuning ne'ebé fa'an iha tempu dader to'o kalan, nomós atividade negosiu seluk ne'ebe comunidade sira halo tuir tempu no horas ne'ebe maka iha hanesan horas dader, lokraik no kalan.

Negósiu formál maka negósiu sira ne'ebé registradu legalmente ho lisensa ofisiál, iha estrutura, no registadu ho governu, enkuantu negósiu informál (hanesan vendedór ambulante sira) hala'o operasaun laho lisensa ofisiál, la registradu, no dala barak bazeia ba família. Diferensa prinsipál sira maka iha legalidade, kapitalizasaun, no regularidade operasionál. Iha ne'e maka diferença klean sira entre sira na'in rua:

Diferente entre Negosiu Formal no Negosiu Informal

Kategoria	Negosiu Formal	Negosiu Informal
Legalidade no Aspetu Administrativu sira	Iha lisensa negósiu nian (numero TIN, Lisensa SERVE) no iha forma entidade legál ida (Unipessoal Lda, Construsaun civil, Enin, Kooperativa).	Jeralmente la'os entidade legál, la registradu, no laiha lisensa negósiu ofisiál.
Kapital no Asesu Banku	Kapital bo'ot, fasil atu hetan empréstimu bankáriu, no iha relatóriu finanseiru padronizadu	Kapital kiik/independente, susar atu hetan asesu ba kréditu bankáriu tanba administrasaun mínimu.
Estrutura no Forsa Traballu	Iha estrutura organizasaun, kontratu servisu ne'ebé klaru, no seguransa sosiál.	Estrutura fleksivel, dala barak negósiu sira ne'ebé família mak na'in, no relasaun serbisu bazeia ba konfiansa
Fatin no Operasaun	Fatin fiksi (eskritóriu/loja) ho oras servisu regulár	Fatin dala barak muda, la regular, ka uza hela fatin
Ezemplu husi Negósiu sira	Lda, Enin, IP, EP, banku, supermerkadu sira, startup sira ne'ebé rejista ona.	Vendedor ambulante sira, negociante viajante sira, fa'an-na'in sira, tenda sira iha uma.

Negósiu informál dalabarak maka setór sira ne'ebé akomoda forsa traballu ne'ebé bo'ot ho edukasaun ne'ebé limitadu, maske sira nia produtividade iha tendénsia atu sai bo'ot.

Negósiu informál hanesan atividade ekonomia pessoal ka grupu ne'ebé hala'o operasaun servisu fora husi regulamentu governu, laiha regulamentu legais, setór ida ne'e hanesan esperansa ekonomia importante ba comunidade sira ne'ebé hó rendimentu nato'on tamba atividade ida ne'e fasil atu loke fatin servisu ba sira nia a'an nomós ba ema seluk. Negósiu informál rekonnece mós hanesan atividade pessoal ka atividade familia, ou grupu balun ne'ebé iha interesse atu halo atividade negósiu hamutuk tuir prespetivas no akordu autor negósiu sira halo, hó intensaun ida oinsa autór sira bele hetan rendimentu ruma hodi responde sira nia nesesidade loron-loron.

Ejistencia negósiu informál hanesan atu responde demanda merkadu lokal. Objetivu husi negósiu informál maka oinsa bele responde nesarriu urjente, no oinsa bele hetan rendimentu hodi atende autór negósiu sira nia nesesariu loron-loron. Negósiu informál la halo estimasaun rendimentu tuir padraun kontabilidade ne'ebé maka negósiu formál sira halo. nune'e mós setór negósiu informál mósu hanesan, atu fõ solusaun ba povu ki'ik sira ne'ebé susar hodi hetan servisu ruma iha setór formál. Iha prinsipius balun ne'ebé halo hodi negósiu informál dominate iha merkadu lokal no merkadu nasional, hanesan;

Absorvente forsa traballu prinsipal; setór ida ne'e akomoda maioria forsa traballu ne'ebé la abserve iha setór formál liuliu ba ema ho edukasaun ki'ik ka abilidade limitadu.

Assesivel no fleksivel; negósiu informál sira jeralmente la presiza kapitál bo'ot, lisensa komplikadu, ka abilidade avansadu. Ida ne'e halo sira asesivel ba ema ne'ebé buka hetan servisu.

Nesiedade loron-loron; vendedor ambulante, hari'i tenda ki'ik no servisu informál seluk hanesan (taxi no motorizada), fornese produktu no servisu ho presu asesivel ba ema klase mediu kraik.

Rezilencia ba krize; bainhira xoke ekonomiku ka diminuisaun iha empregu formál akontese, setór informál dala barak sai hanesan alternativa prinsipál ba sobrevivensia.

Kapitál konfiansa; negósiu informál sira opera ho baze iha konfiansa no akordu laho ligasaun ba entidade legál ne'ebé metin.

Negósiu formál iha relasaun servisu ne'ebé klaru tamba iha lisensa negósiu no fõ kontratu ba traballadór ne'ebé sira rekruta hodi mai servisu hamutuk ho sira, hanesan fõ salariu kada fulan tuir akordu kontratu ne'ebé maka nain ba empreza halo ho traballadór. Diferente tebes ho negósiu informál tamba atividade negósiu la permanente iha fatin ida, la iha kontratu ruma ho ema seluk no negósiu informál barak liu maka autór negósiu sira ne'ebé halo atividade negósiu mesak,

Peskiza ne'ebé ekipa DNPE halo iha terrenu identifika katak atividade negósiu informál dominate iha merkadu lokal no merkadu nasional tamba, negósiu informál nia papel hanesan hamosu kampu servisu importansia ba autór negósiu, no hanesan mós rede siguransa social ne'ebé fleksibilidade. Liuliu sétór formál labele akumula traballadór hotu. Tuir dadus ne'ebé ekipa peskiza DNPE reikoilla iha terenu hatudu katak traballadór ne'ebé maka hala'o atividade negósiu informál sei domina iha merkadu traballu.

Ema iha negósiu informál barak (hanesan vendedór ambulante, freelancer, ka mikro-negósiu familia nian ‘*Home Industry*’) liuliu tanba setór ida ne’e mak alternativu prinsipal atu hetan rendimentu bainhira empregu formál limitadu. Tuir mai ne’e maka rajaun prinsipál sira tansá maka setór informál buras lais;


Rekizitu no kapitál ne’ebé ki’ik; negósiu informál sira fasil atu hari’i, la presiza kapitál bo’ot, lisensa negósiu ne’ebé komplikadu, ka estatutu legál ruma.

Alternativa sira ba dezempregu no pobreza; setór ida ne’e akomoda traballadór sira ne’ebé la absorve iha setór formál, liuliu sira ne’ebé ho nivel edukasaun no abilidade ki’ik.


Fleksibilidade a’us; negósiu informál sira oferese horas servisu ne’ebé fleksivel, dala barak hala’o hosi uma ka dalan ninin.

Nesiedade Moris; ema barak halo servisu informal hanesan servisu sekundáriu ka atu moris iha xoke rendimentu nia leet.


Prokura merkadu; ezistensia merkadu ka konsumidór sira ne’ebé presiza produktu ka servisu sira hó folin ne’ebé ki’ik liu dala barak fornese husi autór informál sira. Setór ida ne’e suporta proporsau bo’ot ida husi forsa traballu no kontribui ba ekonomia liu hosi fornimentu auto-empregu.



Total observasaun geral top 5 13-Munisipiu Inklui Autoridade Administrativa Atauru




Sexo autor negosiu informal 13-munisipiu inklui autoridade administrativa atauru



Nivel edukasaun autor negosiu informal 13-munisipiu inklui autoridade administrativa atauru

Master's Degree | 2 | | | | | | | | |

Kuantidade respondente autor negosiu informal 13-
munisipiu inklui autoridade administrativa atauru



Kuantidade Tipu negósium Informál ne'ebé identifika liu husi observasaun iha 13
municipiu inklui autoridade administrativu Atauro.

No	Tipu negosiu informal
1	Kios Kiik
2	Fa'an Sigaru
3	Fa'an Pulsa
4	Fa'an Pop-ice
5	Fa'an Modo
6	Fa'an Nu
7	Fa'an Manu moris
8	Fa'an Pentolan
9	Tunu Sate
10	Fa'an Nasi Kuning
11	Fa'an Dosi
12	Fa'an Has
13	Fa'an Batar -Fai
14	Fa'an Fore Mungu Dan
15	Fa'an Es-Buah
16	Fa'an Lalapan
17	Fa'an Gorengan
19	Fa'an Café
20	Fa'an Pop-Mie
21	Suku Sapatu
23	Fa'an Tua-Mutin

24	Fa'an Ai-Farina
25	Fa'an Talas
26	Fa'an Hudi
28	Fa'an Fehuk
29	Fa'an Mina Morin
30	Fa'an Nasi Goreng
31	Fa'an Pateka
32	Fa'an Aidila
33	Fa'an Has
34	Fa'an Plastik
35	Hadia Telfone
36	Fa'an Gazolina
37	Fa'an Sapatu OB
38	Fa'an Batar-Tunu
39	Fa'an Ayam Geprek
40	Fa'an Martabak
41	Fa'an Terang Bulan
42	Fa'an Be
43	Fa'an Katupa
44	Fa'an Ikan Tunu
45	Fa'an Ropa OB
46	Fa'an Minarai
47	Fa'an Ikan Fresku
48	Fa'an Paun
49	Fa'an Budu-tasi
50	Fa'an Ai-maran
51	Fa'an Pisang keju
52	Fa'an Forai-dan
53	Fa'an Lis mean
54	Fa'an Sabraka
55	Fa'an Bakso
56	Fa'an Modo Tasak
57	Fa'an Batar-Dan
58	Fa'an Es-teler
59	Fa'an Jus Abokate
60	Fa'an Nan-Karau
61	Fa'an Manutolun Dan
62	Fa'an Es campur
63	Fa'an Nan Maran
64	Fa'an Sukaer
65	Fa'an Rw nan Asu
66	Fa'an Katana tuku

67	Fa'an Koto nurak
68	Fase Kareta
69	Fase Motor
70	Fa'an Nu'u Maran
71	Fa'an Derok masin
72	Fa'an Kulu
73	Fa'an Brinjela
74	Fa'an Ikan Saboko
75	Fa'an Tahu
76	Fa'an Tempe
77	Fa'an Homan Lafatik
78	Loja Kosmetik
79	Fa'an Aimanans
80	Fa'an Bua
81	Fa'an Malus
82	Fa'an Ikan-maran
83	Fa'an Masin-Fatuk
84	Fa'an Lis mutin
85	Fa'an Tomati
86	Fa'an Ailia
87	Fa'an Mina nu'u virgem
88	Fa'an Tali metan
89	Fa'an Kabas
90	Fa'an Supermi
91	Fa'an Sumasu
92	Fa'an Buah naga
93	Fa'an Fatuk tasi
94	Fa'an Makaraun sona
95	Fa'an Aifarina-maran
96	Fa'an Aisar kesak
97	Fa'an Ainanas
98	Fa'an Batar sona
99	Fa'an Abokate
100	Fa'an P-tai
101	Fa'an Baniben
102	Fa'an Karau kulit
103	Fa'an Fos-rai
104	Fa'an Tua-Sabu
105	Fa'an Balde
106	Fa'an Sanan
107	Cafetaria
108	Fa'an Tais

109	Fa'an Batar maran
110	Fa'an Fore metan
111	Fa'an Jambu
112	Fa'an Goyavas
113	Fa'an Lakeru
114	Fa'an Bebak
115	Dulas Hare
116	Fa'an Pipinu
117	Fa'an Hudi dubun

Durante observasaun ne'ebé maka ekipa observador DNPE hala'o iha 13 municipiu inklui autoridade administrativu atauro, ekipa DNPE indentifika tipu negosiu informal ne'ebe ejiste iha teritorial Timor Leste hamutuk 117 tipu negosiu infromal ne'ebe comunidade sira hala'o. Observasaun ida ne'e hala'o iha fulan setembro tinan 2025 no remata iha iha fulan abril tinan 2026.

Wainhira leitor sira ladun intende informasaun konaba negosiu informal ne'ebe ami fo sai, bele konfirma direita ba numeru ne'ebe ami mensiona tuir mai, hodi leitor sira bele hetan informasaun klaru liu tan.

David Coelho

+670 76076343

Numero DNPE

3310520